

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 524 del 07/03/2025

Drai bochriven en de drai lander pet ausòndra temen ont trèffn: òlls doi ist de Akademi van Euregio - Junga van Tirol, van Südtirol ont van Trentin meing se innschraim finz as de 27 van oberel

Akademi van Euregio 2025: de jungen meing se innschraim

[Mòcheno] Klòffen iber en lem as de pèrng, iber en alpine habitat ont iber de bètterbècksln, kennen de burtzn van Euregio Tirol-Südtirol-Trentin ont toalnemmen en europeische Forum va Alpbach: de doin ont vil òndra sai' de moglechkaitn as de Akademi van Euregio 2025 gip. De òrbet u'lear ist ver de jungen zbischn de 18 ont de 35 jor van drai lander as belln baitern s sai' kennen as en Euregio ont en de glaiche zait mòchen nèt. De 30 toalnemmer barn zòmm klòffen iber de bècksln van lem as de Alpn: de keltestn zaitn ont de bermestn zaitn hom òlbe gòp an stòrchn vurm ver za innsitzn se ont ver en lontschòft. En de leistn zeichenten jarder de berm ist òlbe stercher kemmen no de bècksln van bètter. As de doin temen, de jungen treffen se ver drai rivenbochen, òll vòrt en an òndern van lander van Euregio, ver za kenne pesser der Euregio ont de sai'na strukturn ont ver za bècksln se idee pet auskenneta lait.

Va Rovereto ka Alpbach turch Poazn

Der earste trèff va de Akademi van Euregio bart se hòltn ka Rovereto va de 23 finz as de 25 van moi. Pet de mittòrbet va de Fondazione Trentina Alcide De Gasperi, bart men studiarn as de gschicht van vergreasern van lònt galep van sprochen gruppn van Euregio ont van sai' zòmmlem.

Der zboate trèff bart se hòltn en Sudtirol va de 4 as de 6 van heibeger: ka Poazn, de jungen barn òrbetn pet en suachinstitut van sudtirol Eurac Research ver za studiarn de klima plan van drai lander van Euregio ont de bècksln van bètter en de alpineregion. S barn kemmen studiart aa de situazion van minderhaitn ont s enviregea' va de autonomie en Sudtirol.

S riven toal bart se hòltn va de 16 finz as de 18 van agest zòmm pet de Euregio Days en Europeische Forum va Alpbach 2025 en tiroler "Villaggio dei pensatori". Men bart se pakimmern za klòffen iber de riven va de Europische Union ver za kemmen pesser, van schutzen van klima (Bussola per la competitività dell'UE - Green Deal) ont abia as bècksl de alpn lander iber de doin temen.

Innschraim se

Ver za schraim se inn en de Akademi van Euregio 2025 men hòt bail finz as de 27 van oberel 2025 as de sait van Euregio en adress zo www.euregio.info/academy. De toalkostn ver en gònze seminar, òlls zòmm pet en essn ont schloven aa ist va 90 euro. Ver za nemmen toal miast men kennen taitsch ont balsch en livell B1 oder heaher ont an kurzn priaf pet en bavai as men bellet toalnemmen.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)